

LONGAR
ANTE-DILV

PRAE

V I

MAXIME REVERENDO

IOANNI C
DO

PRIMARIO IN AVLA

BRVNSV. ET L

ORACVLORVM DIVI

PIETATIS CVLTV PLANE S

CLIMACTERICVM

QVEM VIIII. CALEND. S

INGRE

SEXAGESIMV

PII OFFIC

GRATV

DISCIPLINAE SAN

WILH. CHRISTIANVS

EBERHARD GOTTLI

HALAE IN

FORMIS H

DE
CAEVITATE
LVVIANORVM

PRAEFATI,

I R O
ENDO ATQVE AMPLISSIMO
I CONRADO
O VIO,

VLA SERENISSIMAE DVCIS
ET LVNEB. VIDVAE

M DIVINORVM INTERPRETI

PLANE SINGVLARI PROSEQVENDO

ICVM AETATIS ANNVM,

LEND. SEPT. A. CIOIOCCXXXI.

INGREDITVR,

ESIMVM TERTIVM

OFFICII CAVSSA

GRATVLANTVR,

E SANCTIORI LITANTES

ANVS IVSTVS CHRYSANDER

ET

TTLIEB HENRICVS DOVIVS.

E IN HERMVNDVRIS

IS HENDELIANIS.

QUod *puerperia* luctuosis questibus, *funera* vero cantu atque tripudiis persequi, seruarint olim solempne Thraces (a) virtutis fuisse, quin egregio respondere concentu aureae illi sapientis Hebraei sententiae: (b) *des, quo denascimur, ei quo nascimur, praestat*, iudicauerit forte non nemo: sed hic esset fere, qui partim in historiarum hospes monumentis pensi non haberet, summam *barbariem* seu ruditatem, &, quae eius non potest non comes esse *vitiorum* tantum non *omnium* turpitudinem tam infami huius gentis nomen notasse macula, (c) vt dementiae potius atque crudelitati ista eius consuetudo danda sit, partim immemor, quod *proverbia* non nisi *ex parte* sint *vera*, verum huius eviscerare sensum nesciret. Quum enim earum veritatum omnium, quas diuinissimae propioris reuelationis tabulae propositas exhibent, suo vnaquaeque inconcusso firmissime innixa fundamento, aptius cum reliquarum singulis connubium colat, quam vt altera confligere

(a) Thracia, *τραχεῖα*, aspera, montium atque siluarum situ cum radibus hominum ingeniis mirifice consentiente. Herodot. Terpsich fol. m. 150. Edit. Hervag. Basil. Τὸν μὲν γινόμενον περιζόμενοι οἱ προσήκοντες ὀλοφύρονται, ὅσα μιν δεῖ, ἐπεῖτε ἐγένετο ἀναπλῆσαι κακὰ, ἀνηγεόμενοι τὰ ἀνδρωπήϊα πάντα παθεῖα. Τὸν δὲ ἀπογινόμενον παίζοντες τε καὶ ἠδόμενοι, γῇ καλύπτεισι, συνλέγοντες, ὅσων κακῶν ἐξαπαπλαιγθεὶς ἐστὶ ἐν πάσῃ εὐδαιμονίᾳ. Perinde quasi de Heracliti Pythagoraei (circa Olymp. 69.) moribus fama aliquid ad ipsos pertulisset, qui miseriam humanam contemplatus, a lacrymis sibi temperare numquam potuit; sed rectius lacrymantis *instar* eum fuisse dixeris, ie natura tristitiorem, & quum ab hominum consuetudine se remoueret, asperum. Atrae bilis in eo abundantiam testatur liber eius *de natura* vnde nomen τῆ σκοτεινῆς ei haesit.

(b) Cohel. VII. 2. concinit Paulus Phil. I. 23. Socrates quoque *Θαυμάσιον* mortis κέρδος crebris sermonibus vsurpauit.

(c) Flor. Lib. III. c. 4. *Partus grauidarum extorserunt tormentis, litarunt diis sanguinem humanum, biberunt in ossibus capitum. Perfidiae* in Abderitas & Beotiose exemplum habes apud Diod. Sicul. p. 475. edit. Stephan. Strab. L. IX. pag. 227. *Auaritiae*, (quae facillime contra sobolem, non sine sumtu educandam, odium conflat) in rapinis Herodot. l. c. Libr. V.

re cum altera, nedum tollere se queant inuicem; (d) & vita humana tanto magis numeranda in primis Dei sit beneficiis, quanto minus vllam, ea sine, hominis felicitatem cogitare liceret: dubitari profecto non potest, quin ea tantummodo afferat diei fatalis prae natali praestantiam hoc comma sacrum, qua vitae iam diuinitus *acceptae* ac bene collocatae optabilia praemia referendo, beatissimaeque caelitem ciuitati nos adscribendo, conditionem nostram, vti immunitate a periculis, ita mirificis commodorum accessionibus mactam, euexisse in melius dicendus est. Si igitur nihil diceretur aliud, nisi homines ad omnia omnino, quae ad se a supremo Numine proficiscuntur, beneficia, gratae mentis cultu agnoscenda sanctissimis legibus adstringi: illud tamen, ni fallimur satis in comperto esset, vt gaudium, nascente societatis humanae consorte, susceptum reprehendi possit, tantum abesse, vt, recurrentibus quotannis natalibus vel renouare illud subinde signisque prodere dignum existimari debeat laude officium.

Sed, quemadmodum qui suam ex salute virorum de re communiaud vulgariter meritorum perceptam laetitiam eorundem in natalitiis restatam facere opportune gestiunt, hoc per se iustissimo pietatis munere, iustius tamen defungi, immo vero, quando iis id praestant senibus, (certe bullis, si qui alii,) non tam *ipsis gratulari*, quam *DEO*, a quo natales cuiusuis eorumque reditus pendent, *gratias agere* putandi sunt: sic nos quidem restaurandam natalis TVI, VIR MAXIME REVERENDE, memoriam iam concelebraturi, dum nostra castissima, quibus vitam TVAM cum incolumitate exposcimus, vota plausibus virtuti TVAE debitis adiungimus, vix ad praetexendam instituto nostro causam aliquid extra hoc vnicum praemittendum esse arbitramur, non facere, religionem fuisse. Siue autem annorum (e) Pyliorum TIBI apprecandorum ampullas auguraris, siue, quam natiua quaedam pulchritudo, quam pigmentorum artificium, quam sententiarum decus commendet, orationem exspectas, siue laudum TVARVM praeconium metuis: omnino falleris. Harum enim singularis modestia TVA, cui vim facere nolumus, impatiens est; illa tum circumscriptionissimi temporis ratio, tum virium tenuitas nobis interdicunt; istas vero

A 2

effun

(d) Contradiceret suo lemmati ipse sapiens doctor Cohel. VIII. 4. itemque P. CXXXIX. 14. & ipsum creationis diuinae opus.

(e) Homer. Odyss. V. v. 245. *τῆς γὰρ δὴ μιν φασὶν ἀνάξασθαι γενεὴ ἀνδρῶν.*

effundere si vellemus, poteramus quidem hoc nomine sat in TE videri pii, sed, quidquid est domi cachinnorum, paratum haberet quivis in voti tam inanis vindices. Praebeto tamen haec formula ansam argumenti, de quo more vaterum confabulationem hoc ipsodie TECUM habeamus, eo magis exoptandam, & quum datur, arripiendam, quia non solum copia mihi existit, diutius TECUM agendi, quod libentissime facimus; verum quia TV etiam senex, senex dico? immo vero is es, qui, pro decumati acumine iudicii, errantes potes in viam reducere.

Enim vero, qualis esset in foro, si qua *indicta coussa* ferretur sententia, praepopera videlicet, in considerata, &, si non plane iniusta, tamen ob immaturitatem, &, quod coniunctum temeritati est, erroris perden-
daeque operae periculum, satis iniqua: talis sane, imprudens, puta, & praeposterus futurus erat in *disquirendis rationibus* illis labor, quae per duas primas saeculorum decurias admirandam aetatis *granditatem* hominibus consciuerint, nisi huius ipsius *veritas* contra eos satis *certa* praestitueretur, qui facile sunt adeo Carneades, eam negare vt audent. Posita igitur Scripturae Sacrae, cuius testimonium vtramque paginam hac in re facit, diuina origine, diuinisque, quae inde resultant, virtutibus, calculus recte subductus totum, credo, negotium expediet; id est, simul ac demonstratum iuerimus, *Mosen Gen. V. per annos tantum temporis spatium innuere, quanto nos quemque terminamus*: tum demum extra operae dispendium ad *caussas* tantae *longaeuitatis* progredi licebit.

Quum idem sol, qui ab ortu ad occasum delatus intra 24. horas totum terrae globum illustrat, vniuersa autem statuta itinera 365. diebus 5. horis & 49. minutis ab occasu ad ortum, cursu obliquo, emeriendo, nobis Europaeis temporum maiora discrimina definit, patres Asianos anrediluuianos olim aspexerit; & ii olim indagandis rerum naturis studiosissimi, sine dubio (f) epocham suam; haud paullo magis ex sole, principio lucis atque sol-

(f) Annum quidem alii populi aestate vnum determinabant & alterum hieme, alii quadripartitis temporibus, sicut Arcades, quorum anni trimestres; quidam lunae Senio vt Aegyptii, itaque apud eos aliqui & singula millia annorum vixisse produnt Plin. Hist. Nat. Lib. VII. c. 48; sed plane dissimilis est ratio prudentiorum Hebraeorum, penitiori naturae cognitioni vacantium & ad maiora quoque temporis intervalla attendentium. De Aegyptiis Plinius modo coniecit, nexu interprete, & deserto teste Diodoro Sic. pag. 15. de Aegypt.

solstitiis, (g) quam coeco lubitu deriuarint: (h) existimare fas est, ei temporis spatio, quod nobis anniculum est, (i) suum annum inclusisse, potius, quam alii, ab ipsa natura non ita determinato & commendato. Quamquam haec ratio posset in dubium vocari, nisi praeter plurimas ceteras etiam ab hac suffulciretur, quod, quum *fide digni sit* rerum gestarum *scriptoris*, ut sibi per integram historiae telam *constet* atque *congruat*, Moses spectatissimae dexteritatis auctor non gradu sed praecipiti saltu a calculi sui tenore temere descivisse videretur, si in describenda catarracta, in totum terrarum orbem defaeviente, aliam adhibuisset mensuram, quam qua antea (Gen. V.) vitas patrum complexus erat. Iam, quum dierum rationes, quas in diluvii recensione contulit Moses, satis superque testentur, dies 30. ad mensem, & 12. menses ad annum pertinuisse: (k) prono inde fluit alueo, hac lege vitae annos Patriarcharum esse intelligendos. Non secus enim ac ii, qui mappas chronologicas adornant, confunderent lectoris animum si non iugi aequalitate tantundem annorum in tantudem forulorum referrent, Moses perplexam, obscuram & inutilem fecisset scriptiorem suam, si non iisdem annos quosque spatiis metiretur, dum ne con-

A 3

iectu-

(g) Igitur Atlantii Vranum, seu caelum primum, sibi regem, primum anni rationem edocuisse perhibent. Diod. p. 132.

(b) In philosophica lingua Hebraea, ubi rerum denominationes *essentiales* sunt, & *sententiosae* שנה *annus* ab *iterando* non videtur appellatus, nisi ratione habita certorum, quos sol numquam transgreditur, *terminorum*, ie tropicorum cancri & capricorni, quibus *atactis*, solis fit conversio, iteratur annus & in se sua per vestigia reuoluitur. Ei cognatum פנה *respexit*, *vertit se* sol nempe, percurrentes XII. signa, & ad punctum vnde digredi coeperat reuertens. *Annus* seu *anus* ab *אנאנא* dictus, proprie *circulum* significat, seu *orbem magnum*; tum quia sine hiatu *continuus* est, tum quia *diebus singularibus* constituitur, ut in extremitate orbis siue volutati siue residentis *vna* tantum puncta *atactus vni* succedunt, tum ob *fugacitatem*; inde *annullus* & *anellus*. Varro de L. L. 5. 2.

(i) Si vel ad lunae circuitum aeram suam descripissent, intra 29. $\frac{1}{2}$ dies absolendum, adeo, ut quidam menses 29. (cavi) quidam 30. (pleni) dies expleverint: quadraret tamen cum nostra hodierna; siquidem mensis vnus postea Veadar, ie iteratus Adar dictus, שש Schebat pedissequus, intercalari solebat.

(k) Gen. VII. 11. coll. VIII. 3, 4. Ante exitum ex Aeg. anno *solari* vsi sunt Ebraei, qui & *magnus* audit, ut *lunaris minor*,

iectura quidem posset informari, quid voluisset. Quantum vero huic argumento robur accedit, si cum hac historici integritate, & quae cadit in historiam, congruentia *rerum* tam operose narratarum *gravitatem* & auctoris primarii, *DEI scopum* comparamus? in eo positum, ut habeant non modo veram originis huius vniuersi & memorabiliorum euentuum in eo a primis inde rerum initiis sese excipientium ideam & quasi *tabellam* mortales, sed ut etiam de harum rerum veritate conuincantur; quod tantum abest, ut, omissa accurata *temporis locique* determinatione, obtineri possit, ut historia talis *fabellae* instar euadat. Sicuti igitur operam perderent camporum terminos delineaturi, si illam mensuram typo appingere obliuiscerentur, ad quam reuocari aestimatio a lustrantibus debet: ita liberari a vitio neutiquam posset pagina sacra, si rerum gestarum seriem nobis exhibitura, normam illam directricem & clauem, quibus recludi terminus $\tau\theta$ $\text{—} \text{—} \text{—}$ debet, non adiunxisset. Iam, quum eam nusquam expresse adiectam reperiamus, dolus autem & culpa tam longe absint a diuiniore codice, quantum veritas & perspicuitas in eo regnat: consequitur *ex nexu*, tamquam indice locupletissimo, annorum, quorum mentio fit, ambitum esse disudicandum. *Genealogiarum* sacrarum nemo non concedit accuratissimam (l) catenam esse, modo maxime *naturali*, qui legenti cuique succurrat, intelligendarum; quid igitur vero est similius, quam ut chronologia, quae illius quasi clauiculis compacta, immo illi intexta est aequae naturali valore gaudeat, quem prudentior quisque interpret facile diuinare & coniectura consequi potest. Quid fuisset, quod *miraretur Iacobus vitae suae breuitatem* cum longinquitate patrum collatam, si, post debachatam magnam aquarum inundationem, annum vnum vnus mensis effecisset. Qui perpendit, quam tenaces, quam mordicus tenaces aitarum traditionum semper fuerint Iudaei, in alia omnia abibit potius quam in eam sententiam, eos deinde patrum suorum calculum, quasi diuersum a suo, deseruisse, illumque priorem, ab illo quo iam (m) vtuntur, & qui ad nostratem proxime

(l) Quamuis enim anni dimidii in censum Gen. V. non referantur: calculus tamen non fallit, quia coniecere licet; id quod anno huic integro deest, per id, quod illi abundat, compensari, ita, ut abundantia temporis, *semestre excedentis* pro integro anno habeatur, & illud non aequantis nullo in numero sit. In breuiarium Mosaicum numerorum fractiones non cadebant, nomina facile turbantes.

(m) Vtuntur anno lunari, qui est dierum 355, & si intercalaris, 388.

xime accedit, discrepare. Vt nihil dicam de annis 430. Gal. III. 17. coll. Exod. XII. 40. Act. VII. 6. quos Paulus cum epocha sui temporis conciliare debuisset si 430. menses indicarentur; fauent argumentis nostris annales omnium cultiorum (n) gentium antiquissimarum, Aegyptiorum in primis, qui iisdem cancellis annum circumscripserunt, quibus Ebraei. Sin secus, enim Iacobo cum Pharaone colloquenti anni 147. Gen. XXXVII. 9. reducendi fuissent ad calculum Aegyptiorum, si intelligi voluisset. Sententiis contrariis in aciem productis, nostra ne firmiori stet talo, tum demum perspectum erit exploratumque. Facenim, ante cataclysmum *uno mense constituisse annum*; quid tunc opus fuisset in lingua primigenia duabus diuersis vocibus שנה & חדש, & quid esset, cur vtraque tam curate in consignata diluuii historia distinguerentur? num prius quam anno M. 138. erupisset diluuium, & si diuideris hos 138. annos, quot tandem sortietur, singulorum X. patriarcharum vita? Si post faeuam illam aquarum illuuiem demum annus tam brevis spatii haberi coepit; nonne videmus obstare absurdum inde sequuturum, singularia XII. Mensium nomina in cassum nominari, Abrahamum non natum annos 86. sed 7. suscepisse Ismaelem, & ab octenni Abrahamo genitum esse Isaacum, quod contra Gen. XVII. 17. dum ortum filii ob senium sperari vix posse putabat; templum Salomonaeum tam splendidum tam amplum non intra VII. annos sed menses esse ad coronidem perductum; quae singula ne speciem quidem veri prae se ferunt.

Vocamur nunc a commonstrata tantae longaeuitatis veritate ad disquisitionem caussarum, quae illos primaeuos ad tam admirabile aetatis fastigium euexerunt, *extra ipsos, & in ipsis* quaerendarum, atque, vt per partes eamus, partim ex *totius vniuersi* conditione, partim ex *parentibus* senis cuiusque, partim ex *ipsis senibus*, partim denique ex *posteris* seu *singulari scopo atque prouisione Dei* deriuandarum; quae nisi con-

con-

(n) Oenopides Chius, Geometriae & Astronomiae studio celebris annum naturalem *dies habere* tradidit 365. & *dierum duum & viginti vnde sexagesimam partem* Cenforin. de die nat. c. 19. Io. Schefferus ad Aelian. Lib. X. c. 7; quem cyclum a sacerdotibus Aegyptiis didicit. Diod. Sic. Aeg. Lib. I. sect. II. pag. 62. Τὸν Οἰνοπίδην συνδιατρέψαντα τοῖς ἱερεῦσι καὶ ἀστρολόγοις μαθεῖν ἅλλα τε καὶ μάλιστα τὸν ἡλιακὸν κύκλον, ὥς λωξὴν μὲν ἔχει πορείαν cet. conf. Scaliger de emend. temp. Lib. II.

coniunctim considerentur, rationem sufficientem non constituunt. Neque vero nunc proferemus, eam *uniuersam regionem*, in quam Adamus, ad ligonem damnatus, concessit, qua in colenda posterius etiam desudarunt, Paradiso, vti videtur, vicinam, (o) id est amenissimam fertilissimamque fuisse; quantae enim Babyloniae laudes; (p) neque attingemus, *sedes* cuiusque patriarchae ipsas, tum quia in *tentoriis* patulis & perflatilibus, tum quia ad *siluas*, salubres illas mansiones, tum quia ad limpidos *fontes* esse solebant; ita fuisse comparatas, vt protracta vita suauiter senescere potuerint; sed illud modo contendemus, ante horrendum illum per aquas rerum interitum insigniori caeli clementia aerisque temperie & salubriori aqua homines illos, aeuo obritos, fructos esse, hoc citra bonitatis sapientiaeque diuinae vituperium, nec sine egregia veritatis specie statui. (q) Atque quum inspectam imbellem columbam non coniiciamus a strenua aquila progeneratam esse, vnumquodque raro a virtute naturali, nunquam a natura degenerare, persuasi: meditatores maximi senii causas, non possumus non in eam cogitationem incidere, in *parentibus* plurimum earum residere, vt qui non minus, quam ipse Adamus, modo e diuina fabrica missus & quasi tepens, sanum corpus ad procreandam sobolem attulerunt, neque tot corruptelis vitiati, & debilitati, neque inter plures coniuges diuisi, sed vigore integro, abstinentia casta, *soeyñ* impensa, iam in ipsa conceptione dorabant bene cocta & matura fetus stamina eo robore, quod seris annis sufficeret. Ecquis in culpa breuioris vitae esse tales parentes ambigat, qui naturae cognitione destituti, partim *crudelius* in paren-

(o) LXX. interpretes de suo addunt: collocauit Deus hominem ἀπέναντι τῆ πηγῆς τοῦ ὕδατος τῆς γενέσεως.

(p) Curt. Lib. V. c. 1. Plin. Lib. XVIII. c. 17.

(q) Gen. VI. 13. C. IX. 11. vel si Thomae Burneti cometam exhalantem Theor. Telluris sac. Lib. I. aequae ac Sturmii sphaeram cristallinam diluuiio destructam reiiicis. Scheuchzer Phys. S. Iobi. p. 324. sequ. Io. Iac. Schmidt biblischer physicus. pag. 32. Consideranda quae de exundatione *Nili* tempore Promethei Aegyptii, & Atlantis Mauri, de diluuiio *Attico* tempore Ogygis regis Thebarum; de *Theffalico* magnam Graeciae partem, rege Deucalione, absumente, veteres referunt, quanta infectus aer contagia advocauerit. Inde traditio apud Aegyptios: primos homines belluinam vitam degisse, sapidissimam quamque herbam, ac sponte natos arborum fructus comedisse Diod. Lib. I. sect. I. pag. 6. D.

corpuscula suorum ciborum diuersitate aerisque iniuria animaduerti non curant, partim nimis *molliter* cuticulam habent, eosque ab unguiculis vsque ad effeminatam Sybaritarum societatem transire iubent? Sed palmariam omissemus causam, si non eorum quoque faceremus mentionem, quae, sicut a viuentis cuiusque pendent arbitrio, ira huius lucis vsuram vel diuturniorem vel breuiorem praestant. Nam si tam *multum* ingurgitassent illi sesqui senes, quam hodie heluones, quibus saepe quidem potestas zytho, vino, epulisque se obruendi, numquam animus deest; si tam *multa* seu varia, saltem ex variis, immo peregrinis ingeniose composita consumsissent; si genio *intempestiue* indulgissent (r) haud sane per miraculum ad tam longam vitae metam peruenissent. Iam ipse euentus laudem temperantiae, vel si ea litteris nominatim non prodita esset, iis condicit. Nec enim ad voluptatem sed vtilitatem cuncta retulerunt; *simplex & maxime naturalis* victus, *idem* victus, *simpliciterque apparatus*, *modica* potus cibique portio corporis vires refecit; nulla aromatum sibi inuicem infestorum opipara farrago venenauit fercula, nulla sacharorum miscela; lacte, radicibus oleribusque domesticis (s) delectati sunt, quorum virtutibus magis magisque explorandis peritissimi quique fuere intenti. Quumque vel rei pecuariae dediti, vel in re hortenſi & agraria, occupati, rusticando victum sibi quaerirarent: laboriosis corporis motus (t) illis magis profuit, quam commodissima, quae audit, vita sedentaria inertibus, si qui sunt, fucis, delicatulis hominibus, qui aliquid modici sudoris sibi numquam excitant. Nec temere coniicias, quum bene mane e lectulo surrexisse dictitentur cani illi, quoties negotium aliquod subeundum fuit, eos *somno moderate uti solitos* esse, quippe qui ultra modum captus aequae nocet accibi abundantia; quo pacto eos eo melius valetudini consuluisse suae credas, quo vtilior esse aura matutina, inter labores hausta, a medicina

B

cinæ

(r) Sirac. XXXVII. 34.

(s) Gen. I. 29. C. III. 18. Coll. Gen. XXVII.

(t) Ob motum & eundem victum bestiae in primis *ferae* ad multam aetatem ascendant, quanquam eius gradus a cuiusque speciei natura iam ex parte praestabiliti, verumque sit; *quo quod animans maiori est statura, eo illud maiorem fortiri aetatem.* Cameli 100, Elephanti 300. annos superare solent. In lacu Heilbruntcio sub Frid. II. captus est *magnus piscis*, 267. annos ante pinis annulo implicatus. *Maiores anseres* saepe annum 60. attingunt.

cinae peritis describitur. Immo vero, quum nihil aequè senectutem occiduam acceleret ac impotentes feminarum amores, scopuli, multorum infames exitiis; & patres isti, (quippe nondum erant, quae ad illos seducerent turpium exemplorum lenocinia) ad naturae leges sese conformantes, prolem ante annum aetatis 65. non intenderent: (u) qui factum sit, ut grandiore aetate, quam postdiluuii, amantes idem tamen ut qui perditissime, portarent, palam est. Denique singularis erga DEVM reuerentia, (x) qua a teneris inde imbuebantur, & confirmabantur vel ad aetatis longinquitatem eo usque conduxit, ut incredibili quadam animi fortitudine contra omnes malorum procellas armati, a concitatoribus liberi essent animi motibus, ut, si scelus famam incestaret, vel alia omnia moliretur, nec tamen se ira absumerent, nec inuidia macerarent, nec altercationibus fatigarent, nec diuitiis inhiando exanimarent, nec quam diu, sed quam bene uixerint cogitarent. Quae via si nos iiscum pari passu ambulares, implacabile odium contra ea, quae interitum nobis adferunt, alentes; aliquanto saltem ampliorem vitae terminum figerent Parcae. (y)

Quamuis vero ista grandaeuorum decas maiorum nostrorum ita se gesserit omnino, ut tamquam exemplum frugalitatis, continentiae, tolerantiae, omniumque virtutum proponi possit: paullo tamen iniquius in omne propemodum genus humanum censeret, & optimos quosque damnaret, qui, ex solis cuiuscumque moribus tam breuem redundare vitam, adfirmaverit, quum utique sapientissimae Dei voluntatis ratio haberi debeat, quantum illa singulis ad viuendum tempus praescriptum velit. Adamus quidem ut fieret annoso venerabilis aeuo, (z) euenisse videtur, tum ut ad CHRISTUM, meliorem Adamum, eumque aeternum etiam aliqua senectutis similitudine accederet, tum ut ipse doctus, quam exitiale sit, Numen supremum neglectum habuisse, non tam culpam suam postea-

(u) Conf. Gen. V. Methusalah, qui annis inter omnes eminet, serissime filios suscepit, annos 187. habens.

(x) 1. Tim. IV. 8. Sir. XXX. 26.

(y) Longae vitae exempla sunt in Plin. H.N. L. VII. 48. 49. & si ea, quae proxima tempora praebent, adnumerarentur, plenas dare ceras possemus.

(z) Si reputamus, Adamum statim virili statura perfectum esse: idem est, ac si ultra 930. annos 40. vixisset, & ante iuisset aetate Methusalam.

posteris excusaret, quam ad cautius mercandum admonendo, praeclaro exemplo praelucendo, & semen mulieris, tamquam bonae spei signum commendando, eos ad virtutem formaret, verumque DEI cultum ad posteros transmitteret. Cuius enim verba fuerint spirantiora? cuius efficaciora? Praeter has singulares rationes ideo tam late ceterorum patuisse vitae spatium, vt propagato celerius mortalium genere, citius haberet nascens hic terrarum orbis incolas, qui agnitas virtutes diuinas rite venerarentur, constat ex illa Gen. V. iterum iterumque repetita formula: *genuit filios filiasque*. Nonne per integrorum decursus saeculorum domino suo, homine, puta, caruissent terrae? Nonne opus fuit, ne numerus animantium iuxta atque ceterarum rerum nimis inualefceret, vt pari fecunditate atque celeritate augerentur ii, ad quos potissimum pertinent; idque prorogando parentum vitae curriculo? Iam quidem multitudo hominum efficere videtur, vt stadia contrahantur; &, quum DEO praefinitus sit dies nouissimus, huius mundi theatri catastrophem facturus, singulis vero re propria gaudendum sit, alii aliis locum faciant. Excogitanda fuerunt *necessaria* ad colendum agrum, extruendas aedes *instrumenta* aliaque *vitae praesidia*, quorum inuentio fuit facilior senioribus tamquam sanioribus, diuturno rerum vsu observatione ac meditatione subactis; quem in finem quod longior vita requisita sit, quis non videt? An vero circumcisioris vitae breuitas eo tempore, quo monumenta reuelationis diuinae scripta nondum exstabant, quo sancti patres *uiva* ceterorum *biblia* erant, *traditioni in corruptae* (aa) commoda fuisset? Certe necessitas exegit, essent, qui voluntatis diuinae, per diuturnius exercitium, certiores, toti coetui doctrina atque auctoritate praessent, qui imperitos consultum venientes erudirent, conditarum rerum & orae miseriae historiam panderent, de quibus mirum quantum somniant gentiles philosophi, malorum & audaciam refrenarent.

Nostra-

(aa) Vera Dei notitia vsque ad aetatem Iacobi *bis mille* annos per *solos tres* homines conseruari potuit, Adamum Methusalem & Semum. Nam Meth. natus 687. Adamus mortuus 930. Potuit igitur Adamum audire Methusalam (demtis 6. annis pueritiae) per 237. annos cet. Christ. Chemnit. quaest. ad gen. qu. I. ad cap. 5.

Nostrofibus saeculo tale senectae culme
 denegare soleat, haesitamus; nec id quidem
 humanarum caligine, & certa sempiternae
 posita. Faciat certe vitae breuitas breuem
 intentiorem. Quo tamen magis perpendi
 manipulus, quibus contigit esse aetate pro
 TVAE, O NOSTER OPTIME! metuimus,
 mortique intractabili templum numquam oc
 cupatum sit a deastrorum cultoribus: nulli t
 tisque arbitrum, DEVM, qui casta suspir
 mis precibus hoc ipso die occupare; per hunc
 ex voto fortunandum annum ad summa qua
 Si non minus iucundi atque illustres sunt ii
 quam quibus nascimur, quod sine sensu na
 feruamur: ferrei simus, si non mirum in m
 ce delectaremur, & animi corporisque TVI
 esse exultaremur. Spe vero laeti, vt plura
 mus: *cura vt valeas!* vel potius, *faxit p*
vt valeas, vt gaud



BS 1235

.D68

1741

c.1

Rare

ae culmen propitius an iratus Deus iam
d quidem temere in teterrima rerum
piternae ac beatissimae lucis spe pro-
breuem vitam cariorem & ad fenus
perpendimus, quam exilis eorum sit
tate prouectoribus, eo magis vitae
tuimus, atque licet inexorabili fato,
nquam exstructum, aut votum nun-
s: nulli tamen dubitamus, vitae mor-
ta suspiria non destituit, ardentissi-
per hunc, quem inis, climactericum
mma quaeque TE scandere ut iubeat.
s sunt ii dies, quibus conseruamur,
sensu nascimur, cum voluptate con-
rum in modum hac auspicatissima lu-
que TVI vires senio nondum infractas
ut plura coram; nil nisi hoc adiici-
, faxit prouidentissimum Numen,
ut gaudeas!

